


漢名臣傳 七下



內閣文庫			
函	冊	號	類
三	二	二	漢
四	一	〇	書
葉	冊	號	類

內閣文庫			
番號	漢	2305	
冊數	160 (110)		
函號	290	43	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



非藏

諭吏部曰朕以京官習知法度外官諳練民情內外敷歷方見真才故將翰林官酌量外轉今東昌道傅維麟愛民有治行且學問素裕仍以原官用十月授大理寺少卿尋游遷太僕寺卿通政使副都御史十四年三月疏言御史巡方期滿復命宜令自行條答入事以嚴考核一曰厘革奸弊今天下官貪吏橫假名色而科歛任情指公事而追呼紛擾吏胥無賂則廢格文移

名臣傳

豪強使財則幸免差役奸弊難以悉數果否  
殫心察訪盡力革除二曰招捕盜賊今天下  
劫掠公行兵亦爲賊而官卽爲窩且山林有  
嘯聚之衆邪教有不軌之謀其撲滅若干捕  
獲若干招撫若干當核寔彙報三曰揚清激  
濁近來巡按薦章多至數十人所糾者不過  
一二人自今宜確指循卓寔跡其貪酷衰庸  
者不得姑寬四曰清理刑獄近來人多狡詐  
訟獄繁興陷害至于株連捏砌恣夫憑臆伸

冤理枉全在讞決公明所有勘鞫各案當敕  
列彙報五曰厘正士風近來教官闕允貓鼠  
同眠縱容劣衿起滅詞訟包攬錢糧當密察  
嚴究或學道徇庇一併糾劾六曰稽察風力  
凡遇事當卽時勘擬不避權豪不徇情面若  
瞻顧遷延風力安在自今各已結未結事臚  
列具奏七曰糾彈督撫近來督撫功在封疆  
矜然自愛者固自不乏然或有驕縱貪婪視  
屬官如魚肉恐嚇誅求幾盈千萬在京科道

固難得其寔迹若同事一方則察訪甚易乃  
糾彈者少不過畏其力大而反噬耳如別經  
發覺宜以不職論入曰禁除侈靡近來大吏  
導從如雲飲食若流一日之費動至百金上  
行下效相習成風自今宜力崇簡樸正已率  
屬凡習俗之豪華風土之流蕩皆嚴法禁止  
此入者風紀攸關澄清要務各令按欵自陳  
以憑考核庶幾寔心舉行各盡厥職矣疏下  
部院議行四月疏言近見各部一切叅劄不

論陞遷降調無得免者而叙功叙勞則曰某  
也已經陞遷某也已經降調應無庸議夫賞  
罰期平請自今凡有叅劄仍照舊例毋以陞  
降幸免而一切叙錄不論陞降一體議叙在  
陞遷者固得邀  
疊錫之恩而在降革者量準功過分別復職  
還級亦得開自新之路疏下部議行七月左  
都御史能圖請更定世職承襲例同官合疏  
入奏

漢書目錄卷八  
上以所奏似屬徇私

召集詰問下部論異能圖倡議變亂成例革  
世職及加銜維鱗應革職得

旨從寬留在十五年正月遇

恩詔復原職三月擢戶部侍郎十六年三月  
諭獎勤勞奉職諸臣加太子少保十一月乞  
假遷葬十八年五月補工部侍郎七月擢工  
部尙書康熙五年六月以病乞假歸六年五  
月卒于家

賜祭葬如例

施維翰列傳

施維翰江南華亭人順治九年進士授江西  
臨江府推官十三年巡撫郎廷佐疏述其理  
漕革弊折獄得情能使奸頑歛迹舉爲卓異  
遂內陞兵部主事十五年十月改授山東道  
御史疏言察吏首重懲貪嚴小吏先嚴大吏  
各督撫按露章彈劾宜及司道勿僅以州縣  
塞責又言鎮帥擁一方重兵有庸碌衰憊緩

漢名臣傳卷七  
急難恃者有縱恣貪賍虐害軍民者督撫按  
狗隱弗糾宜嚴定處分疏並下部議行十七  
年巡按陝西十八年  
聖祖仁皇帝御極裁巡按撤回乞假歸康熙  
三年補江南道御史五年三月疏言近聞各  
省錢糧每委府佐協征所至鋪設供給不免  
擾民更有不肖之員縱容胥役橫肆誅求其  
弊難以悉數夫州縣官征收錢糧如有逋欠  
例應議處本員若督撫司道委佐貳協征協

催寔屬違例請概行禁止以專責成以杜擧  
害事下部議如所請飭禁六年巡鹽河東七  
年還京以額課征完于紀錄八年二月疏劾  
偏沅巡撫周召南審訊常寧縣民捏訴知縣  
胡起庸私派加征貪縱各款悉為開脫徇庇  
顯然事下部察議御史李棠復劾召南貧劣  
命侍郎阿哈碩塞同湖廣巡撫林天擎審訊  
得寔召南褫職論罪如例十一年四月疏劾  
福建總督劉斗違例題補總兵又徇情題建

故靖南王耿繼茂祠請嚴加處分

詔劉斗回奏仍下部察議會劉斗別以留用  
尅餉廢弁等事降五級罷任因是再降一級  
八月維翰得

旨內陞以四品頂帶食俸仍留御史任十二  
年六月躡言鼓廳之設以伸士民冤抑故使  
科道共司其事然每收訖狀必待科道官六  
十餘員會議往往拖延多時或失察書役作  
弊未免推諉且日易一官收閱訖詞此日不

准異日輒復投遞纏繞不休殊非政體請嗣  
後管理鼓廳用滿漢科道各一員半年始行  
更易其逐日所收訖狀立檔依限完結捏詞  
妄控者遵定例懲治並造冊存案以憑稽核  
疏下部院議從之是年游遷鴻臚寺少卿太  
僕寺卿十八年四月遷宗人府府丞六月遷  
副都御史先是浙江巡撫陳秉直保舉學道  
程汝璞校士公明旣而左都御史魏象樞劾  
汝璞貪肆勘鞫得寔論絞部議秉直應降二

級以加級紀錄抵銷維翰疏言秉直與汝璞見聞密迓乃瞻徇情面保舉公明非尋常註誤可比請

勅部酌議凡督撫保舉匪人應降調者不准抵銷

上是其言下部議定爲例時給事中李宗孔亦劾秉直糾察無能賢否混淆

命秉直解任隆用八月授維翰山東巡撫

諭曰近日山東兵丁鼓譟極爲可惡尔宜嚴

行禁戢維翰奏曰祇緣督撫提鎮不和遂致兵丁生變臣當同心協力調濟兵民

上曰文武協和自然地方安戢十一月疏言東省今歲荒旱流民日益累多隆冬沍寒凍餒可憫臣捐貲倡率屬員並令各府州縣多方勸諭煮粥給食但飢民旣多接濟維難請截留歷城等縣本年漕米同濟南倉節年存貯米石動支散給得

旨俞允二十一年十一月授浙江提督李之



芳為尙書擢維翰代之二十二年十二月調福建總督二十三年四月卒于官遺疏至諭曰施維翰才品優長簡用以來操履清慎寔心任事茂著勤勞忽聞溘逝深為憫惻下部議卹

賜祭葬如例諡曰清惠

張英列傳

張英江南桐城人

聖祖仁皇帝康熙六年進士改庶吉士旋丁

父憂回籍十一年授編修十二年充

日講起居注官十五年遷左春坊左諭德十

六年二月遷翰林院侍講學士九月同掌院

學士喇沙里陳廷敬奉

諭曰尔等每日進講啟導朕心甚有裨益嗣

後天氣漸寒特賜尔等貂皮各五十張表裏

緞各二十疋十月

諭大學士等曰朕不時觀書寫字欲選擇翰

林侍左右講究文義伊等在外城宜召難以

漢名臣傳

命英直南書房  
卽至着于城內撥給閒房在內侍從尋

賜第西安門內十八年轉侍讀學士十九年  
四月

諭吏部曰朕萬幾之暇留心經史雖遜志時  
敏夙夜孜孜而研究闡發良資講幄之功日  
講起居注各官俱以學行優長簡備顧問所  
纂講義典確精詳深裨治理侍讀學士張英  
供奉內廷日侍左右恪恭匪懈勤慎可嘉爾

部從優議叙尋

允部議講官葉芳藹沈荃等加銜有差英授  
翰林院學士兼禮部侍郎銜二十年二月以  
葬父乞假

諭曰爾素性醇樸侍從有年朝夕講筵恪恭  
盡職茲因爾父未葬具疏請假朕念人子至  
情忠孝一理准假南旋特賜白金五百兩表  
裏二才正旣旌爾勤勞兼資墓田之用爾其  
欽悉朕惓惓至意又

欽悉朕惓惓至意又

諭禮部如英品級子具父秉彜卹典二十五  
年三月授翰林院學士兼禮部侍郎銜四月  
命教習庶吉士閏四月與內閣學士徐乾學  
並  
諭稱學問淹通宜留辦文章之事令吏部勿  
開列巡撫十二月遷兵部右侍郎二十六年  
正月同內閣學士韓爌奏進纂成孝經衍義  
得  
旨頒發六月調禮部右侍郎兼翰林院學士

銜九月轉左仍兼翰林院學士銜又兼管詹  
事府詹事十一月充

經筵講官二十七年正月給事中陳世安疏  
劾英與禮部尙書張士甄侍郎王颺昌遇  
孝莊章皇后大喪不親督司員檢閱舊章一  
切典禮令司員具稿賞送滿堂官起奏不會  
同詳慎忝訂或屢請不至卽至亦默無一言  
間有朝臣造問恭祭時日跪送儀文齋宿舊  
例茫然輒謝不知偷安自便闕冗無能請嚴

漢名臣傳卷之八  
加處分以警癡曠

命自行回奏尋奏臣士甄颺昌每日在  
午門前齊集臣英朝夕在

永康門外兼有奉

旨與翰林院同辦之事俱未敢偷安凡典禮  
有應稽舊章者親率司員檢閱有應滿漢堂  
官公同商酌者未曾推諉並無屢請不至之  
事至恭祭日期跪送儀文及齋宿之例一經  
奉

旨卽知會所司俱遵行無悞亦未曾有朝臣  
相問對以未知也惟是臣等素無才能乞  
賜處分爲不職者戒疏下吏部察議以未與  
滿堂官同在一處商稿起奏應各降五級調  
用得

旨從寬留任二十八年十二月擢工部尙書  
仍兼管詹事府二十九年六月兼翰林院掌  
院學士並管詹事府七月調禮部尙書仍兼  
翰林院掌院學士十月以編修楊瑄撰擬陣

漢名臣傳卷之八

臣等

亡都統公佟國綱祭文引用悖謬英看閱不  
詳審改正部議降四級調用得

旨革去禮部尙書仍管翰林院詹事府三十  
年六月教習庶吉士三十一年十月復禮部  
尙書兼管翰詹如故三十三年三月以編修  
黃叔琳庶吉士狄億等十一人試  
國書生疎

諭責教習不嚴下部察議應革職得

旨張英從寬降三級留任旋與掌院學士常

書同奉

命教習庶吉士三十五年

上親征噶爾丹至拖諾山凱旋英同常書奏

請

賜觀

御製親征朔漠紀畧俾得敬慎編摹垂諸簡  
冊從之先後充

國史一統志淵鑿類函

政治典訓

平定朔漠方畧摛裁官三十六年三月同尙  
書熊賜履爲會試正考官七月以老病乞休  
得

旨慰留十月辭兼管翰林院詹事府

允之三十八年十一月授文華殿大學士兼  
禮部尙書四十年十月乞休得

旨卿才品優長宣力已久及任機務恪勤益  
勵着尙方殷賢奏以衰病乞休情詞懇切准  
以原官致仕瀕行

賜宴暢春園

諭部令沿途駟遞應付毋限常額先是

御書篤素堂匾額以

賜英名其所著爲篤素堂文集四十四年逢  
上南巡迎

駕淮安登奉

御書謙益堂葆靜匾額並聯幅畫卷銀千兩  
以

賜隨至江寧

漢名臣傳

卷七

上將旋蹕以在籍臣庶籲請

旨留一日英復奏請得

旨念老臣懇求諄切准再留一日啟行四十  
六年迎

駕清江浦仍隨至江寧

賜

御書對聯世恩堂匾額及書籍人復亦

元英奏請多留一日四十七年九月卒于家  
年七十有二遺疏至得

旨張英久侍講幄簡任機密老成勤慎始終  
不渝予告後朕念其衰年屢諭旨令勉加調  
攝忽聞病逝深切軫悼下部議卹

賜祭葬加等諡曰文端

世宗憲皇帝御極贈太子太傅雍正八年久  
祀賢良祠

今上御極者贈太傅子廷玉官至大學士別  
有傳

楊素蘊列傳

楊素蘊列傳

楊素蘊列傳

楊素蘊陝西宜君人順治九年進士十年授直隸東明知縣十六年二月

世祖章皇帝詔吏部行取推官知縣考選御史素蘊以在任多紀錄兩經荐舉預選十七年六月授四川道御史七月疏言臣言官也宜以言爲事然今天下所患者正在乎議論多而成功少中外大小臣工苟且偷安怠玩成習雖屢經

天語申飭言官條奏視爲紙上空言終

未有勉圖之寔迹

國家建官分職各有所職之事誠能人人振起精神事事勿因循推諉司舉劾者以進賢退不肖爲務籌財用者以贍軍裕民食爲先任封疆者制鎮將之跋扈靖寇盜之妖氛理刑獄者弗容克惡漏網不使良善含冤則平天下無餘事更願

皇上推誠御物肅大閑而寬小眚俾人人得展才見長是尤端本澄源之要道也疏入

欽定四庫全書

卷七



報聞十一月疏劾吳三桂以分巡上湖南道  
胡允等十員題補雲南各道并奉差部員亦  
在其內深足駭異爵祿者天下之大柄綱紀  
者國家之大防前此經畧用人奉有吏兵二  
部不得掣肘之

旨亦惟以軍前効用及所轄五省各官酌量  
題請從未聞敢以別省不相干涉之處及現  
任京官公然坐缺定銜者也且疏稱求于滇  
省既苦索駿之無良求于遠方又恐叱馭之

之不速則湖南四川去滇猶近若京師山東  
江南距滇不下萬里不知其所謂遠者將更  
在何方

皇上特假便宜不過許其就近調補耳若盡  
天下之官不分內外不論遠近皆可擇而取  
之則何如歸其權于吏部銓授爲名正而言  
順縱或雲貴新經開闢料理乏人諸臣才品  
爲藩臣所素知亦宜請

旨令吏部籤補乃徑行擬用亦輕名器而

國體乎古來人臣忠邪之分莫不起于一念之敬肆在藩臣敦歷有年自應熟諳大體此舉即從封疆起見未必別有深心然而防微杜漸當慎于幾先祈申飭藩臣嗣後惟力圖進取加意綏輯一切威福大權俱宜稟自朝廷則君恩臣誼兩盡其善矣疏下部知之十八年

聖祖仁皇帝御極素蘊外轉川北道時吳三桂將追勦明桂王朱由榔于緬甸見素蘊前奏惡之上疏詆其意含隱射語伏危機詔素蘊回奏素蘊奏防微杜漸古今通義部議以含糊巧飾應降調遂罷歸康熙十三年三月尚書郝惟訥冀如錫侍郎楊永寧交章荐之惟訥言素蘊昔劾吳三桂專擅云當防微杜漸在當日反狀未形似屬杞憂由今觀之則素蘊先見甚明且為

國直陳奮不自顧其剛腸正氣實有大過人者亟宜優錄得

旨發湖廣軍前以原品用會丁憂既服闋乃赴軍前總督蔡毓榮奏補湖廣學道部議不准令以現辦軍務叅議道題補十七年二月蔡毓榮疏言大兵進剿叛賊楊來嘉洪福等襄陽爲咽喉重地全恃守道督率所屬供辦軍需接應往來兵馬現任下荆南道黃隆才力不及應降調必得精明強固如素蘊者始

克勝任於是授下荆南道二十一年遷山西學道二十四年任滿與江西學道高瓚福建學道丁慈雲南學道鄒嶧貴州學道錢捷俱以公明尤着爲督撫保舉吏部議加一級以叅政道先用素蘊獨得旨內陞京堂遂授通政使司叅議洊遷奉天府府丞順天府府尹二十六年授安徽巡撫二十七年七月疏言各省駙站錢糧初因軍興充餉減四留六旋奉

真名田傳之卷七  
三  
詔復二惟安嶽以前撫臣薛柱斗疏稱所屬  
駟馬既經裁省無需增復停止今湖廣裁兵  
夏逢龍等煽亂大兵進勦羽檄星馳急須分  
設腰站增添夫馬請如各省復二例以應復  
額銀五萬四千餘兩仍充駟費又疏言舊設  
撫標護衛兵五十名馬五十匹原在標兵一  
千五百步九馬一額數中經前撫臣薛柱斗  
奏裁停補歲省銀一千八百六十兩米一百  
八十石今湖廣裁兵蠢動皖城與爲鄰近請

如舊充補以寔標營而資緩急疏並得

旨允行十月調湖廣巡撫二十八年九月疏  
言武昌荊州漢陽安陸等府所屬三十二州  
縣夏旱爲災入秋又旱民食維艱錢糧難辦  
請概予蠲免

上遣戶部郎中舒淑員外郎金達善往同督  
勘奉

詔蠲免二十九州縣本年及來年額征當舒  
淑等初至武昌時素藹令布政使于養志隨

漢晉書傳卷七  
總督丁思孔會勘越數日疏言臣入夏受暑  
泄瀉入冬沉重骨立形消精神短少醫藥罔  
功懇祈

恩准解任歸里調養

諭責其不親勘災荒託病求罷令革職回籍  
後卒于家

陳鵬年列傳

陳鵬年湖廣湘潭人康熙三十年進士初在  
浙江西安知縣四十年河道總督張鵬翮薦

其才敏敏練堪理河務調赴江南河工四十  
一年授山陽縣知縣遷梅州知州四十二年  
聖祖仁皇帝南巡過沂州

詔截漕四萬石令張鵬翮選賢員運兗州分  
賑以鵬年董其事四十三年擢江寧知府四  
十四年六月兩江總督阿山疏劾鵬年收鹽  
店當舖年規侵隱龍江關稅銀無故捉拿開  
役重責枷號各款又以甫經驅逐高婚之南  
市棧基址改造鄉約講堂寫列

聖諭十六條中懸

天語叮嚀四字匾額不敬莫大事下搯督桑額搥河張鵬翮會同阿山定讞論斬得

旨草職從寬免死來京在修書處効力四十七年九月

特授蘇州知府四十八年十一月江蘇布政使宜思恭爲搯督噶禮劾罷

詔以鵬年署布政使四十九年噶禮續劾宜思恭虧帑又劾糧道賈樸侵蝕建閔開河銀

項並坐鵬年覈報不寔部議革任發往黑龍江仍得

旨來京修書五十一年十月吏部議噶禮與巡撫張伯行互訐事擬革伯行職

上以張伯行居官清廉下九卿改議並諭曰陳鵬年稍有聲譽學問亦優張伯行聽

信其言是以噶禮欲害之曾奏其虎邱詩中有悖謬語朕閱其詩並無于碍朕纂輯羣書

甚多詩中所用典故朕皆知之卽末句鷗盟

漢名臣傳卷七  
二字不過託意漁樵陳鵬年詩現在今與尔  
等公看五十六年出署霸昌道既受代仍回  
京修書六十年四月

命隨尙書張鵬勸閱山東河南運河九月  
河道總督趙世顯奏令往視河南武陟縣釘  
船幫決口十月鵬年疏言黃河老隄衝開八  
九里現今大溜直趨決口應于對岸上流廣  
武山淤灘另開引河使溜南趨再于決口稍  
東逢灣取直亦開一引河引溜東行仍歸正

河方可漸次堵築得

旨朕每留心河務黃河衝決之處一經奏聞  
卽詳晰指示今覽陳鵬年所奏皆與朕前頒  
諭旨相合下部知之十一月趙世顯爲屬員  
訐罷

詔鵬年署河道總督十二月疏言近年淮安  
權閔以河工同知管理捐納銀項令淮徐道  
貯庫應用並歸總河稽核臣思河工同知職  
在修防道臣總理工程皆難兼顧臣則馳驅

河干之日多既不暇親理恐付託非人請另  
遣部員管淮安關而以捐納事例歸江蘇巡  
撫稽核貯銀藩庫俾臣得董率屬員專力河  
務奏入下部議如所請行六十一年二月疏  
言河南滎澤縣黃河兩岸隄工止出水面三  
四尺五六寸不等一遇水長卽漫隄而過上  
流水既漫散則下流河身日漸淤高隄岸卑  
矮且有殘缺難資捍衛宜于挑濬以前增高  
培厚疏下部議令河南巡撫楊宗義速行修

築是月武陟縣馬營隄爲水凌水衝漫騰年  
自清江浦往視疏言馬營地勢低窪從釘船  
幫南埧尾衝開至此二十餘里已成大溜撫  
臣楊宗義堵築上口止剩六丈餘下口止剩  
四丈餘無如水深溜急難施人力今惟有分  
其上流借沁水通黃就廣武山下淤灘之上  
王家溝開引河使水由東南會入滎澤舊縣  
前正河用杏葉鉄鈿濬深釘船幫下首新生  
淤灘建挑水埧於新河口東通沁水會黃南



趙不使東下則大溜往南馬營決口庶可堵  
築完固跪下部議行會奉使閱河之副都御  
史牛鈕祭酒齊蘇勒等奏築沁河隄頭至詹  
冢店十八里遙隄楊宗義以武陟百姓僉言  
此十八里若築隄則田畝易淹且致衝決鄰  
邑奏寢其役

詔鵬年確勘鵬年奏黃河南北兩岸從滎澤  
縣始築隄其上十八里并無隄蓋以南岸有  
廣武山爲屏蔽而北岸則沁水從此出口當

沁黃交漲時聽其流入水寨及原武縣之黑  
羊山沙地水勢寬平不致衝溢前人寔非無  
見若一併築隄則暴漲必衝射隄根工險難  
以防護歲修亦糜費不資宜仍留此無隄之  
十八里以脩宣洩從之又疏言臣與撫臣楊  
宗義商議暫停馬營決口堵築以三月朔興  
工開王家溝引河並建挑水埧于沁河口謹  
繪圖呈覽尋奉

詔回辦南河事務八月疏言蕭縣黃河南岸

田家樓險工須建月隄以資保障邳州運河  
徐塘口迤下河道淺滯應于徐塘口迤上挑  
挖月河接入彭家河而彭家河亦應挑深其  
山陽縣運河文華寺下引河淤墊應加挑濬  
又高家堰山盱二汛一帶河隄風浪衝激應  
加倍築土一萬四千餘丈山盱汛天然南北  
兩堤原防湖水暴漲相時開放今南堤與東  
水南隄逼近應築寔爲隄改北堤爲南堤易  
于迤北百丈之外建堤則束水南隄地寬流

緩可免激射之患疏下部卽行是月鵬年復  
至武陟閱工先是馬營決口因挑泚流急水  
深停工牛鈕奏于上流秦家廠堵築甫竣旋  
決至鵬年同楊宗義疏言秦家廠南堤尾刷  
開一百二十餘丈又馬營東下應于南堤臺  
轉東建扇面堤挑溜西行用長椿大埽建攔  
河大堤于秦家廠上流又疏言前因河勢北  
趨宜分淺上流先開王家溝二十餘里引河  
嗣因沁黃並漲河流遷徙引河口門沙淤移

上接開至劉家溝水已暢流衝刷寬深復因  
上流河沁積灘二十餘里隔河溜爲南北兩  
道南入引河北仍趁決口今宜從劉家溝上  
流無灘隔之官莊峪開接引河一千四百餘  
丈庶全河之水俱洩而秦家厰及馬營決口  
易以堵築矣疏下九鄉等同牛鈕齊蘇勒議  
官莊峪在廣武山脚下淤灘窄而且長上流  
無進水之勢開引河不若堅修挑水堤令鵬  
年同楊宗義酌行十月疏言秦家厰之北堤

尾堤向係漫灘根脚虛鬆自霜降後連日西  
北風鼓浪衝刷漫開百餘丈大流歸入馬營  
前此南堤尾水深至三丈有餘自北堤尾衝  
開後漸次平緩十月三日堵築合龍訖其北  
堤尾及馬營決口可以次刻期堵築十一月  
疏言前經定議自詹家店起至滎澤縣老堤  
止包築大月隄誠爲重門保障若俟決口堵  
塞後興工恐土凍不堅乘今天氣尙在融和  
卽行鳩築惟中間約有百丈因兩年汕刷寬

漢名臣傳

卷七


深應俟春融積水漸消另取乾土夯礮堅寔  
乃可竣事是月

世宗憲皇帝御極寔授鵬年河道總督尋疏  
言前經定議自沁河隄頭至詹家店無隄之  
十八里留脩宣洩今河勢北趨較前迥異若  
留此空隙亦屬可虞應如牛鈕齊蘇勒原奏  
自沁河隄頭至詹家店連築大隄直接榮澤  
縣老隄通計三千四百四十丈俟春融併築  
竣工下所司知之又疏言秦家廠北埧尾十

二月初八日合龍旋復爲冰凌水衝漫二十  
餘丈至二十一日堵閉完竣其馬營隄埧八  
九丈亦可刻期堵塞奉

諭曰秦家廠北埧尾漫溢之處雖經堵閉但  
係冬日所築明春冰融之時務期預爲加謹  
保固雍正元年正月鵬年卒年六十有一遺  
疏至得

旨陳鵬年潔已奉公寔心爲國因河工決口  
自請前往堵築寢食俱廢風雨不辭積勞成



疾歿于工所聞其家有八旬老母室如懸磬  
此真鞠躬盡瘁死而後已之臣著賜司庫銀  
二千兩其母給以封典照一品廕其子仍下

部議郵賜祭葬如典禮諡曰恪勤十年


詔各省建賢良祠河南巡撫孫國玺疏請以

鵬年入河南賢良祠疏中有功侔砥柱語

以上言過其寔申飭國玺

諭稱鵬年一生居官尙不愧有爲有守仍

允入祀後江寧建賢良祠鵬年亦入祀



漢名臣傳卷七終

天保三

